

Danas je u Gradačcu otvorena prva likovna kolonija pod nazivom "Gradina". Organizator likovne kolonije je HKD "Napredak" iz Gradačca. Na trodnevnoj likovnoj koloniji, koja traje od 24. do 26.8.2012.godine, svoje učešće su uzeli likovni umjetnici "Fortuna Art" iz Zagreba, slikari brčanskog "Likuma" te likovna umjetnica Larisa Zuykova iz Rusije.



Pored navedenih, današnjoj likovnoj koloniji prisustvovala je i Nađa Avdibašić Vukadinović, ministrica Obrazovanja, nauke, kulture i sporta Vlade TK, koje je ovom prilikom, između ostalog, rekla da se ne kaže badava da su kultura i sport ti koji ne poznaju granice i koji su zapravo najbolji učitelji svih većih prepreka, odnosno to su mostovi kojim ljudi dolaze u Gradačac i idu iz Gradačca. Ministrica se zahvalila organizatoru te poželila da ova kolonija postane tradicionalna kao što su nadaleko poznati Gradačački književni susreti.

Predsjednik HKD "Napredak" vlč. Miroslav Agostini kazao je da je ova likovna kolonija svojevrstan poklon Gradačcu koji baštini kulturu u raznim oblicima.

"Želimo da ova kulturna manifestacija doprinese kulturnom odgoju različitih slojeva društva jer ovo je vrijeme i slike a ne samo riječi", kazao je vlč. Agostini.

{gallery}galerija/likovnakolonija{/gallery}

(gradacac-x.com)